

偶

齋

詩

草

偶齋詩草外次集卷五

癸乙禱鈔集下

宗室寶廷竹坡著

大慈定慧寺

癸

大慈存古寺嶺勢望蜿蜒地僻神留客山枯虎送泉

唐性

空師棲禪此山苦其無水將他之忽神人告曰自師之  
來我等邀惠甚大奈何棄去南岳童子旋當遣二虎來  
無憂也翌日果見二虎重遊空有約一飲竟無緣寺又  
跑山出泉甘冽異常  
塔院東坡有重遊詩余至寺僧適出梵宇摧殘盡莊嚴  
無人烹茗天寒未敢掬飲大是恨事

感昔年

秋夜

小屋紅爐暖躑躅不寐時天寒燈影淡夜永柝聲遲舊  
事都歸夢新愁半入詩秋光行又老蕭瑟動人悲

淨慈寺偶成

攀躋連日竟忘疲勝境窮搜未許遺江上有山皆著屐  
湖邊無寺不留詩冷泉亭古題靈隱夕照峰高詠淨慈  
腳力誰能如此健狂奴非是自矜奇

雪浪橋題壁

扶筇過峻嶺峭壁望崢嶸水壓峰頭落橋隨山勢成  
泰山瀑布之一其在西丈崖留天子蹕御帳崖爲前  
崖橋隨山曲折狀頗可觀朝駐蹕處樹

受大夫名

橋在五大夫松下

瀑布懸幽壑隆冬尙有聲

石屋洞

癸

石室藏山根雲封石不朽借問華屋人與此孰長久

紫雲洞

癸

紫雲一片空中墜欲墜不墜半垂地雲腳垂地頭倚天

洞口斜張嶠古寺古寺疇建幾許年我來登覽心怦然

側眸偷眴不敢仰壓頂欲墜危如懸後山有洞傳金鼓

山靈驚人振威武

山北有金鼓洞昔人伐木其間聞金鼓聲

夕陽促迫難久

延奇境留教後遊補

龍井

癸在風篁嶺龍井寺宋爲壽聖院東坡書額有過溪橋

言渡過溪橋來尋壽聖院荆榛塞道途古跡不可問井

湮龍厭居石破神慵運堂圯潮無音篁枯風不韻

院舊有潮

音堂神運石在井上不知何代落井高六尺明

緬懷訥

李德以八十人出之有神運字

齋師高才弭雄辨辨才師始以法教人叩之必鳴人以

日秦少游名

二蘇及趙秦

東坡子由趙

方外交相善遺

其居曰訥齋

閣道秦少游

交今尙存昔人杳不見迴首望高嶺開雲留一片

嶺上有石

高數丈舊

稱一片雲

冬夜與清皆平王牧庵道士飲酒醉後聯句未成

而罷醒續成之乙

道人大醉無佳句

牧

杯盡壺傾夜未闌  
韻語半從詩裏

得

窮愁聊作夢中觀  
一天星斗歛殘月

竹

九陌風霜

聚苦寒莫向燈前談往事  
黃冠瀟洒勝儒冠

放鶴亭

癸

溪水澄清繞四圍  
孤峰一角帶斜暉  
梅花種後無人管  
何日先生化鶴歸

雲林寺

癸 卽 靈隱寺

雲林居勝地巖壑繞重重  
殿署仙翁筆山分佛國峰

寺創

於晉僧慧理葛仙翁書正殿曰覺皇殿理公登茲山歎  
曰此天竺國靈鷲山之上嶺不知何年飛來因造此寺  
泉聲亭下冷竹影澗邊濃寺外冷泉亭爲愛禪宮古連  
朝曳短筇寺西紫竹林

贈王牧庵道士

道士本狂士頽然才不羈瓶中無贖酒案上有新詩朝  
朝露醉態日日撚吟髭脫盡黃冠氣豪情人不知

季冬廿一日偕鏡寰牧庵訪王牧庵道士留飲醉

後與鏡寰牧庵聯句

長安道士有豪氣

牧菴居近西長安街自稱長安道士

客至不許不飲酒

竹 我同竹坡縵卿來道士苦留豈放走 鏡 諸君盡興勿

須辭甕內佳釀蓄已久 牧 醉來大笑題新詩酒杯左手

筆右手 竹 用盡花牋興未已費酒 石墨一斗 鏡 痛飲

狂歌天色暮得句自誇古未有 牧 不時之需能待吾何

必歸家謀諸婦 竹 我能飲酒復食魚敢言無愧東坡友

鏡 謾言卜晝未卜夜詩酒從來兩不朽 牧

法相寺題壁 癸

好遊不知疲日走卅卅里五日遊不歸搜遍湖山美今

晨下五雲緣山弄江水暮抵南高麓法相尋遺址老僧



留我宿山蔬供清旨薄醉立空庭涼飈颯然起新月在  
山頭寒風帶烟紫

冷家莊

荒村存古刹遊客得依栖夜靜河聲近山深星影低空  
林時吠犬僻巷不聞雞小住塵心去留詩當爪泥

石窟崖晚眺

山勢連西北登高秋氣清大河盤峻嶺疊嶂擁邊城葉  
落千峰出雲開萬壑晴昂頭天宇濶長嘯鳳鸞鳴

地河

京西白家灘蜘蛛山土人斫山燒  
石灰中陷大穴有水呼爲地河

山根藏巨窟幽險深莫測土人云地河潛通神龍宅石  
裂山腹開河陷地脈闢洞然大口張凹入三百尺腥風  
旋有聲陰穴晝昏黑斜陽射穴底水影動暗壁遙立不  
敢近恐被潛蛟齧奇境驚神魂惴惴心兢惕

相傳潛通  
黑龍潭

滴水巖天泉寺夜起作

甲

夜起出禪房山空萬籟靜斜月隱巖頭暗壁微有影巨  
石對人立岌岌欲壓頂怪鳥啼一聲陰風刺衣冷

夜作

乙

酒醒燈尚明宵寒侵布被街柝寂無聲空庭犬不吠不

知夜淺深閉目聊假寐畏寒嬾早起安臥不求睡庭樹  
入涼風一葉窓前墜

大考左遷戲作

老娘三十倒紉兒獻賦

金鑾色怱怱中允左遷天有

意小臣詩筆近王維

入載隨班列石渠無才作賦媿相如茂陵他日求殘稿  
自喜猶存諫獵書

寄焦山芥航上人

甲

江雲遮暮天南望空翹首借問山中鶴猶憶詩人否

山有

瘞鶴銘

之杭州臨行口占留別鏡寰公玉

癸

聖君知我愛吟詩故使看山到浙西  
海日江潮供覓句六橋三竺任留題  
名區遊覽心原暢良友分離意倍悽  
記取梅開歸故里相將花下醉如泥

震甫兄遷宮詹書此賀之兼以自賀

寒門頗喜有文風株守何須歎困窮  
甌越隨肩開墨榜

弟昆攜手侍青宮

兄庚午典試福建廷癸酉典試浙江  
今夏大考廷由翰林院侍讀左遷詹

事府左中允

雅圭品望人皆羨摩詰聲名我自雄  
一樣遷官

到春禁誰云左右不相同

二聯亦作周甲祖孫登墨榜同寅兄弟侍青宮廷之先叔

祖嘉慶甲子舉人廷亦甲子科

不寐

擁衾冷不寐泥爐火已滅庭院寂無聲街杙響斷絕但

見窓紙明不知月與雪

偕伊咀香釣魚臺閒步

乙

出郊閒步二三里小河隨路來迤邐沿隄水淺已作冰

中流一道清澈底釣魚臺畔石橋橫冰隙寒流尚有聲

支筇試向橋西望一片蒼山斜照明

十八日夜與縵卿飲酒醉後四五疊前韻

窮愁落拓果何因宿鳥巢傾莫託身有累焉能作高士  
無聊且自學庸人家貧始識錢爲寶天冷方知酒是春  
休笑樽前言語妄狂奴醉後見天真

庸譽俗毀總無因萬感難磨七尺身今世有誰是才子  
丈夫豈僅作詩人風波顛簸何傷水花柳飄零不礙春  
衆口嘵嘵孰輕重塵埃伏處自韜真

鼠虎集

丙子至  
戊寅

揚眉洞題壁

丙

三尋揚眉山甫至揚眉洞地僻罕遊人靜坐心惶恐莫  
愁歸路險山靈許相送

婚宦行送志伯時之綏定太守任時新續室

丙

半生婚宦皆東川東川與君良有緣益州天府真樂土

從今休言蜀道難

伯時少就婚於嘉定  
文太守治庵署中

昔時新婚出蜀

來今時新婚入蜀去鴛鴦來往劍門關棧雲難阻雙飛

路當年嬌嬌今太守當年美少今老醜歡娛轉眴迹已

陳及時行樂休辜負如君遭際良堪羨歎我無能懼憂

患卅年低首困蓬廬安居日日行秦棧功名室家兩蹉

跼卻悔當時誤婚宦北風捲沙庭樹鳴檐頭一弓新月  
明酌酒飲君須盡醉別離在邇難爲情吁嗟乎縱使君  
歸我猶在相逢各愁髣髴毛改

郭小樓

照

因通家曹季襄

咸熙

贈畫扇索詩走筆

應之

我昔遊吳越到處窮攀躋好景不能畫以詩聊代之傳  
聞郭小樓畫名盈浙西惜哉驛程迺未得相追隨翰墨  
信有緣未見先相思飛箋索詩句契合良新奇君畫我  
久見我詩君夙知爲畫西湖來用以酬我詩



題徐佩之小照 丁

李愿隱盤谷千載欽高風  
浙西多青山到處堪潛踪  
孤山林處士地下應相逢

江右二奇歌送吳望雲 仁傑  
督學江西 丙

五老高坐羣峰頂俯視明湖二萬頃  
清波一片開鏡光萬古常照仙人影  
彭蠡天下之奇水匡廬天下之奇山  
二奇並立互爭勝勝境雄濶空人寰  
屏風九疊橫空列巖崩岫破開石闕  
香爐燒天嵐烟結雙劍劈雲雲頭裂  
石梁瀑布傾晴雪玉龍飲澗首倒出  
竹林虛幻張洞穴

無寺有鐘境生滅

石闕香爐雙劍皆峰名皆在廬山竹林寺亦在廬山不知其處陰雨則聞

鐘聲九江洪流一湖歎三州平吞城郭齧大孤獨立壓龍

窟飛帆分風南北別

湖神能使風分爲二帆各南北

山靈水神爭詭譎

流峙兩境標奇絕奇境自古多奇材梗楠杞梓需栽培

靈鍾秀毓挺生衆拔擢勿使甘沈埋酌酒送君出京都

臨歧把袂心踟躕三年轉胸再痛飲歸來贈我湖山圖

中秋同王牧菴道士清皆平避債湖上葆真觀醉

後踏月西湖戲成

丙

酒債逼人奔無地醉後逃往西湖避窮人同病自相憐

曳屐潛行屏車騎行行共行行村荒不知路紆迴迷遠  
近琳宮在何處打門大呼主人驚薄酒山蔬留客住酒  
酣夜半開門去主人牽衣客不顧興來飛步登高梁憑  
闌縱眺窮杳茫樓臺不見但見樹三山相接青蒼蒼緣  
湖北去四五里沙堤如練行遙邇是時雲散天似洗長  
空一片無塵滓山空野靜風不起上有明月下有水魚  
龍偷眼看遊人如此清興世無幾倦卧閣下藉蒲眠杭  
州西湖到眼前六橋三竺夢魂繞風景恍惚如當年

癸酉

九月既望會  
泛月西湖

大波一聲驚夢回滿身風露沾塵埃馳歸

道院樽重開恣情歡笑忘愁懷追逋路遠那能到古觀  
權作周王臺

中秋宿葆真觀 丙

愛作離家客中秋故夜遊裙釵空悵望山水自勾留詩  
客情何壯仙人興更迺 謂牧庵皆平 琳宮同借榻沈醉忘窮  
愁

又 丙

迴首前遊又一年月光水色尙依然世人誰解此中樂  
月下開筵奏管絃 去歲九月望同皆平縵卿踏月湖上

喜雪

丙

凌寒出郊垌嚴冬逢快雪淒風宕朔氣元雲鬱凝結太  
虛紛爛漫漠漠霏玉屑六合滌塵垢品物變清潔遠近  
朗一色深淺皓無別心目消障蔽皎然兩清絕原隰滋  
土膏來牟種潛發豐年豫有徵私衷默愉悅

雪後同連縵卿鍾碩甫高梁橋西閒步

丙

緣隄步荒園徘徊恣遊玩寒序景蕭條淒然時物變溪  
水半成冰殘雪留幾片寒蘆尙有花零落依曲岸朔風  
穿林來敗葉拂人面新寒凜難當卽景增留戀相將尋

酒家沈醉忘日晏

送方子箴

濟頤

之蜀

從古詩人多入蜀前有杜高後黃陸名區不得名流詩  
山水蕭條笑無福壯哉方叟詩中仙掀髯頃刻成百篇  
三山五嶺踏已遍揚州一夢醒十年金焦洞穴恣吟咏  
淋漓醉墨沾海門大江左右眼倦看逆流上溯岷山源  
南有瀘水之毒流北有褒斜之幽谷東有酆都之陰山  
西有辟支之瓦屋補天石破漏不已一城幽明襟人鬼  
夏虹耐寒冬不死井涸泉枯火爲水滇黔山水爭奇詭

其奇至蜀歎觀止奇境自能生奇詩詩人入蜀山靈喜  
山川感觸詩愈奇到處歷覽拈吟髭興來狂吟天地駭  
險怪莫管時人嗤送君南行登天府酒酣高歌欲起舞  
願君努力多題詩休謂今人不如古

又  
丙

及第花開正及時畫船搖曳櫓聲遲揚州夢好醒偏早  
惆悵風流老牧之

春江魚笱滿橋梁玉鱸金盤味早嘗且莫矜奇誇丙穴  
從來尤物出江鄉

棧道橫空迥入雲東吳西蜀感離羣君行試上峨嵋望  
明月於今剩幾分

百首新詩泐蜀岡三巴地脉接維揚此行大有留題處  
薛氏花溪杜草堂

送志伯時潤之蜀

巴蜀宦遊好休云道路難登攀多險境閱歷足奇觀峽  
仄日常避山深天不乾吟詩堪遣興去去莫愁歎  
天府名傳久遐方景物新鳥巢棲古帝雞壇祀尊神地  
險民應悍官清吏自貧脂膏須慎處覆轍鑒前人



歷盡崎嶇境西南去路遙濤深江結索崖陡陸懸橋漠  
漠征途苦漫漫別思迢勝遊難並駕促膝剩今宵

信陵行

丙

男兒不得志不能沙場効命革裹尸不能向風刎頸酬  
相知不能棄身復仇頂踵糜七尺偉幹空鬚眉一官束  
人牢絆羈空言無補徒招譏冬暖寒號豐飢啼低頭苟  
活甘塵埃人縱不笑當自悲燕臺白酒甘如飴囊空難  
買堪貰之小姬雙雙頗不嫌豐肌秀骨爭瘦肥功名富  
貴終何爲陶然一枕聊自怡無常步蹇雙鞭催柔鄉終

老糟臺埋吁嗟乎信陵公子眞吾師

讀李長吉詩集

成

長吉系出鄭王後而我亦系出鄭王爵同代異隔千載  
古今支派分天潢長吉歌詩恣幻誕我詩亦復言虛荒  
長吉仙逝甫廿七我今卅九猶未亡長吉終身避進士  
我年未壯登庶常才豐莠嗇壽復吝使我念之慚且傷  
開編悚懼弗敢誦楚魂不散蟠詩腸心肝嘔出血滿紙  
鯨鰲牛蛇同一囊僉父投溷亦何惜楮墨汙穢詩馨香  
凝虛仙樂許同纂人間僅爲協律郎人官艱難天官易

生壽短促死壽長君家太白導前路仙鬼爭勝分有唐  
高山仰止兩景慕步趨遺踪忘自量

山溪

戊

明月上深樹山溪宵氣清獨坐水中石荷香時自生風  
靜羣動息惟聞流泉聲

同陳伯潛陳弼臣黃再同文仲恭登寶珠洞用韓

昌黎山石韻

戊

高亭懸立磨太微罡風倒起雲上飛憑虛一觀衆山盡  
崇岡峭壁爭瘠肥勝境覓絕隔塵俗山靈寂寞遊人稀

烹茶小憩放眼界烟嵐俯吸充朝飢龍巖低伏佛塔縮  
羣峰昂首窺禪扉千村萬井綠一色朝陽黯澹送烟霏  
右挹桑乾左汲海目光窮盡天四圍地高天近炎暑避  
盛夏凜凜思添衣惜哉到此難久住一官束縛同韁韉  
試語同行二三子有田胡弗相將歸

彌臣將歸閩

靈光寺題壁

戊

清溪浸山根水淺露亂石繞石生荷花掩映襍朱碧坐  
石弄荷花愛之不忍摘返照入溪中花影上石壁

擬訪陳伯潛雨阻不果戲效昌谷集體破悶

戊

琥珀辭芥磁別針雉飛一丈山萬尋赤松不諒如蘭心  
玉蟾盈缺綿愁霖馮鋏再彈歌無車鄭駟怯淖嗟何如  
夢中李白或識路詩魂沾溼飛難去

雨中飲酒戲效昌谷集體

戊

伯倫雞肋久腐朽醒魂燥渴疇送酒杜康稱仙終歿酉  
古釀徒傳甘今日蚨母拚去何望子生人不飲將待死  
兒孫伏塚澆白水入土空教潤螻蟻墨雲帡庭白晝無  
屏翳交臂昇江湖銀綫漫天地跳珠有客憑窓傾杯壺  
丹甌猶餘來旦儲當雨不醉龍噉吾

紫竹院

戊

古寺境幽僻小憩攬清趣  
禪扉晝不啓寂寥人罕遇  
山斷溪曲通林開塔半露  
殘荷尙有花寒蘆未成絮  
西風送晚涼炎歊喜漸去  
坐久塵想空悠然得新句

七月晦興清皆平增韻清聯句用韓昌黎山石韻

戊

濃雲壓屋秋雨微

竹

小點大點窓前飛

皆

今宵相逢且

飲酒

清

苦瓜病瘦清茄肥

竹

啖藜咽藿厭芻豢

皆

貧家

之樂知者稀

竹

人生得意忘爾我豈計一時飽與飢

皆

書逋酒債任催索醉卧不管人敲扉清愁霖連綿弗放

霽朝朝暮暮常霏霏竹蝸廬華戶愁泥滓坐守咫尺如

重圍皆一燈閃几紅欲死秋風作力吹絺衣清俸錢雖

薄喜在邇冷官難棄甘絆轡竹紅塵九萬無著足林泉

以外吾安歸皆

領俸日作山石韻戊

冷曹債重官俸微青蚨一去無來飛富兒門高朝暮扣

醫瘡剜肉身難肥皇家恩厚臣命薄俸錢虛受餘者

稀如操左券任人往太倉有米甘忍飢俸銀俸米久質錢今年遷庶子

俸銀增入兩米增二石半年  
所入僅此數餘皆充子錢矣  
平生好客兼好酒追呼三  
節敲破扉夜夜祝月莫輪滿  
怕聞丹桂天香霏  
屈臺坐  
守束手待解議疇可開重圍  
少陵野老應笑我朝回欲  
典嗟無衣故逋新負結牢固  
首絡足絆縲口譏市義馮  
驩死已久赧王不作誰與歸

同陳伯潛黃再同袁爽秋黃莖腴吳少嬾自翠微  
山出磨石口至三家村渡桑乾河過嶺尋藥王

廟未至而返用韓文公山石韻

戊

騎乘判道辭翠微

同遊原八人是日  
有二人往潭柘山

磨石出口吟興飛



西山一片起對面石骨削盡山難肥北方之山多壯偉  
如此奇秀者實稀橫舟渡河陟峻阪努力勇進忘渴飢  
嶺頭小立一憑眺迷離何處窺禪扉策杖西下不辨路  
夕陽嵐翠蒸林霏一水轉地挾山走羣峰摩天周寺圍  
石俯洪流左絕壁波光石氣滋人衣筋力疲憊不忍返  
遊心已受山東轡潭柘遊人杳難問山雨欲來吾當歸  
借錢用陶靖節乞食韻

負重不能償厚顏再謀之苦語動人意宛轉巧言詞少  
得已非分敢望副所期慚喜兩交并赧然聊爲詩本爲

我逐利謬云人憐才報德恐無日相貸同相貽

夜雨

戊

積雨人眠早渾忘夜幾更鄰鐘驚夢醒殘月上窓明檐溜尙頻滴村雞已再鳴攬衾姑待曉默默覺愁生

買菊無錢倩姬解釧典之戲題以謝

累卿典釧買黃花助我吟詩逸趣賒寄語東籬陶處士  
室無萊婦不須嗟

戊卯集

戊寅  
己卯

水泉溝題壁

卯

古木四圍合幽澗無人行磐石亘十丈流泉寒且清解  
衣坐石上必定忘泉聲

翠隱亭題壁

卯

獨坐高亭曉氣清西風披拂葛衣輕林深不覺日已上  
山靜尙嫌泉有聲俗慮消除神漸爽名心淡泊念全平  
此閒正可經年住底事匆匆入帝城

題增偉人釣魚臺圖

卯

西風吹寒雨落葉飛滿階展圖試一觀繞船蓮花開

送朱竹石

之榛

之江南

卯

烟雨繞高樓，鴛飛湖水秋。  
送君過故里，使我憶前遊。  
打槩路猶記，題牆句可留。  
幾時重把袂，載酒共操舟。  
竹石嘉興人

中元雨中偶成，倣李長吉

孟蘭盆沾餓鬼，溼河燈焰焰。  
冤魂泣鳧雁，龜魚燈火消。  
潛蛟舞雲垂，雲汁閉門不出杯。  
獨執酒酣耳熱，萬感集流螢。  
一點如燐青，櫺紗雨破隨風入。

二龍坑玩月

卯

積雨向夕晴，殘雲漸消散。  
良儔富清興，相招共賞玩。  
虛

空潔如澡一碧無河漢積水深如潭臨流頗浩瀚疎柳  
帶明月倒影垂曲岸微風一披拂水底光隱現清景儼  
江鄉徘徊生留戀安得移故床觴詠遂達旦

又

市廛有佳境擾擾人不知水月適相值清景成一時眼  
前自有樂域外徒心馳洞庭秋月好路遠難見之

寶珠洞題壁

卯

古洞探幽奇憑高此小憇極目窮沆瀣何止衆景萃曠  
野開東南秋烟接海氣灩然白一片不分天與地萬木

立階下高低合秋籟西風湧壑底倒起捲寒翠衣單難  
久駐相將作歸計龍泉當前途

以下  
闕

秘魔崖題壁

卯

僧龍結伴居空山同施法雨留人寰隋唐遺跡猶今傳  
名勝遠垂千百年我生好奇輕險艱卅月兩度勞追攀  
冒崖久坐恣流連奇景觸目心忤然怪石萬鈞頭頂懸  
溼苔摩髮黏香涎腥風捲壑巖樹掀松濤雲氣同飛翻  
良鄉浮屠盡眼前黃沙一道奔桑乾溯流疑有江南船  
盧師自江南造船不施篙櫓聽所之至崖而止遂栖焉  
去年苦旱禱雨難今秋甘

澍何延綿禾黍茂密盈農田指日收穫連陌阡望師節  
雨飽此民

龍泉庵

卯

流泉弗知勞潺潺曰不停一去難再留徒供遊人聽涼  
風何處來松濤時有聲

又

北巔已窮躋西阪適重厯古剎據奇勝名流遺踪跡

秀

翹先生塋  
曾寓庵中

支藜久疲憊烹葑暫止息曲榭朝危峰懸廊

亘空壁池深魚藻靜樹密庭宇仄霜薜露新紅雨桐滋

古碧撫時驚流轉憶舊感遷滯泉石無閒聲松竹有常  
色淨土空盛衰達人泯欣戚心清增景趣興酣益精力  
當前美勿負敢告同懷客

送竹添進一歸日本

竹添進一來見我遺我日記加以詩我謂臣無境外交  
枉駕再至胥固辭豈知謬愛不終棄書託典屬文重移  
雅懷殷殷那容卻開門仍修相見儀相見竟日弗作語  
拙毫對坐商文詞臨別索我贈詩句爲我十日遲行期  
進一索詩贈別予辭以疾進一爲待詩改行期又云因緣但文字筆墨投贈何



嫌疑中華文教漸東海地異道同無睽違訂交朋已達  
天聽吳編鄭絰原非私我聞斯言愧且感如此厚意  
安諉推凍雲壓樹北風急落葉如雨巡檐飛是日正值  
立冬始空齋凜凜寒生衣詩成送君莫惆悵海天萬里  
鄰東西

和竹添進一見贈韻

颶風橫捲浪鬼鬼蛟蜃驚逃島嶼隕惟有騷人忘險阻  
海天萬里送詩來

竹添進一過我言別宗子美清皆平適至遂同西

席王蘭君聯句是日立冬

秋光西去客東歸美萬里長風逸興飛皆海外新交同

骨肉進古來遺製見裳衣坡魚龍吹浪迎詩舫蘭筆墨

隨緣駐美帝畿美地角天隅明日別進渭城歌罷尙依

依皆

四海卽今爲比鄰進况逢詩酒倍相親皆醉中忘卻乾

坤坡大坡天外傳來歲月新蘭日本秋菊凌霜如有待

進嘉賓得句欲通神皆長崎屈指歸期近坡萬里西風

送遠人蘭

孟冬望夕與牧庵皆平小飲偶齋醉後疊前聯句

韻

是日爲皆平生  
日前一日

卯

白酒滿樽黃花開淵明胡不來偶齋對影獨酌劇寂寞  
良宵卻喜過朋儕天地未老人未死暫時不樂終劫灰  
大鵬運海俄頃耳何論野馬吹塵埃人壽日增死日近  
兕觥那禁年年催人生百年花一季人憂窮迫花霜摧  
推窓看月不滿院清光高耀連塹垓儒生道士總爾爾  
逍遙到處皆蓬萊

與育又章飲酒戲作

開樽且豪飲俗累暫時忘有幸逢歡伯無能笑赧王花  
如寒士瘦風比酒人狂寄語追逋者今宵在醉鄉

寄志伯時

天孫剪碎雲裳錦墮地化作花滿城薛濤偷倣染成紙  
玉鉤題詠傳詩名蜀中遊宦多名流通州名勝淩江州  
六相遺跡至今存唐宋詩魂爭一樓伯時太守今才士  
登高能賦世無比請君試上東鄉山人血漬雨崖石紫  
咏菊用前聯句韻

木落水盡梅未開肅然天地如清齋黃花淩寒乃獨放

凡芳俗艷焉敢儕古瓶白水足供養清寒澈骨無塵灰  
枝葉至萎終不落天生清潔難沾埃挺然傲骨不可奪  
風霜栗冽徒相催桂金蓉錦詡鮮艷根株柔脆憐先摧  
韶光遲滯幾時返朔氣凜凜連瑛垓寄語園丁慎護惜  
勿教拋棄同蒿萊

養疴後集

庚辰

分龍行

與子美聯句

聖君禱晴天戒雨龍兵徒分難自主仲濃雲欲來風不  
許阿香車緩途修阻子晚山濃黛天讓青危巖嚇客蹲

虎形

仲寺西倚山名虎頭

石橫峭壁如陰平潛師夜走微有聲

子蛟默蜃噤銜枚行墨雲下墜嵐氣腥

仲

踏梧掠竹清

泠泠嗟子抱疴但卧聽

子美時病股

宵雨不害白晝晴燥

溼平調百穀生

仲微雨旋晴

是夕

### 靈光寺偶成分韻

開樽面山飲列坐青松閒當時讀書地彈指三十年松  
翠變新色山青留舊顏

我來山中宿養疴兼避炎偕遊有詩人倦卧同慙慙山  
鳥何自來隨風時入簾

赤日行中天鳴蟬聲不歇白雲何飄飄皎潔色如雪飛  
上西山頭似恐奇峰熱

月黑螢似鬼風來蟬欲仙晝夜各佳趣耳目相新鮮寄  
語同遊子歸隱知何年

秘魔崖和文仲恭戊寅壁閒韻

詩人爲客山爲主四日養疴留梵宇仙崖扶杖共攀躋  
草木滿山足夏雨捫苔細讀憂旱詩筆似遊龍恣飛舞  
神僧靜坐說大道靈蹟千年著巖戶日暘則暘捷感召  
鈞封無慚標國輔

崖供盧師及大小青龍神二陰陽山  
神會封輔國龍王時正新晴

景互擅勝霽色縮青開畫譜甘霖而月施已盡昆仲避  
炎藏水府晴霞萬丈冠崖頭溼綠乾紅增媚嫵老農喜  
晴不憚瘁荷鋤山田勤植樹若使連綿久不止雨苦仍  
當同旱苦田苗向日勃然興恍似沈疴新得愈自憐素  
食羈一官飲鑿食耕愧田父無才報國思避賢願作小  
人學農圃

靈光寺與子美聯句仍用前韻

詩人遊興因天公雨晴遄往西山中仲病軀偃蹇不肯

歇策杖直上眞英雄

子

飛廉愛客忘節序初庚颯颯先



涼風

仲

鳴蟬亂噪琴瑟動高下萬樹聲相通

子

夸娥負

山繞天走奇峰飄緲飛長空

仲

須臾四望訝奇絕晚霞

幻作胭脂融

子

羲輪途遙倦歸去層陰倒生昏禪宮

仲

茫茫大野接城郭但見高塔留餘紅

子

僧房借駐憩疲

足沈疴頓釋舒幽中

仲

卑官坎壈百僚底徒勞奔走傷

吾躬

子

仙班俗吏總可憫勢屈權抑將毋同

仲

粥魚齋

鼓發深省逝將就此參無終

子

知難勇退自守拙山空

水枯忘罪功

仲

開樽聊此酌明月金波入盞光朦朧

子

化工戲人覓難測黑雲又起滄海東

仲

夾竹桃與子美聯句倣昌谷集體

瀟湘流乾二妃死

子

靈根穿出武陵水釣竿插地變佳

卉雨紅雲綠同飄

仲

霞裳亭亭騎鳳尾蜂愁龍節不

敢采

子

曼倩酒醉參王母琅玕偷懸實累累淇園風煖

歸之子綺袖翻花倦相倚

仲

劉阮欲歸策杖起洞口續

紛落紅蕊

子

美人高士肩共比相視而笑醉顏紫

仲

三

郎助嬌阿環喜夜冷連昌滴秋髓

子

題郭曉樓

照

寶鏡齋

郭公惠我寶鏡圖使我代題寶鏡齋開圖陡覺月光亂

滿紙閃爍生寒輝奇文異象紛爛漫龍河龜洛圖書開  
星辰倒挂動壁上水火交戰搏風雷五行會合四靈聚  
金虎誕降融仙胎五十四篆銘古奧蘇姬繡出旋文迴  
云是漢代所鼓鑄透光瑩澈空塵埃金烏火炙腹背貫  
離光兌彩相摩揩郭氏珍物郭氏得夙緣固結膠難離  
取以名齋寓深意洗心藏密澄幽懷百年興居鏡光裏  
虛明不昧涵靈機人生萬事本空幻真形僞影恆相隨  
見圖何殊見寶鏡抽毫大笑成茲詩

端陽與子美飲酒聯句

角黍不飽三閭魂

子

酒能續命嗤盧循

仲

去年坐客半

不存

子

去年端陽同飲客今年死其二矣

人聚鬼會幽明分

仲

地下歡

笑誰當聞

子

餒而若敖同憂貧

仲

夜臺索逋敲鬼門

子

紙錢縱有貧難焚

仲

令節且復傾一樽

子

墨花滿口舌

生蓮

仲

滌筆而飲之醉後以酒

嘔肝琢句氣吐吞挾此傲爾泉下

人

子

倖得遲死娛朝昏

仲

醉中世界爲一新

子

榴花凝

血燒彤雲

仲

艾香蒲綠盈市寰今日且樂我與君

子

主

恩未報難沈淵詰朝珥筆隨鴛班

仲

侍講

明日

官班

# 辛巳集

三月三日遊昆明湖

芳郊含潤淨無塵  
携杖閒遊傍水濱  
上已風光宜過雨  
北方韶景在殘春  
桃花半落紅猶艷  
樹葉初生綠不勻  
少長同遊湖水上  
今年真不負良辰

相隨勝地共追攀  
偷得名場半日閒  
劫火尙留新草木  
春光又到舊湖山  
承平廿載叨同享  
愁悶今朝且暫刪  
莫訝騷人多感慨  
昨宵宿衛紫宸班

有事易州歸過上房山兜率寺偶成

乘車渡易水  
好山隨路稠  
公事有程期  
過山不敢遊  
偷

閒一登眺匆匆難久留譬如飲美酒薄醉乾半甌煙霞  
未許飽痼疾安得瘳山靈應笑我拘束難自由

雲水洞題壁

我生好遊山到處留奇詩今遊雲水洞有詩不敢題縱  
使嘔出心終難狀此奇

良鄉旅舍題壁

夕陽投旅舍小住解征袍野曠城逾窄山低塔助高晚  
餐甘麥飯薄醉愛村醪難免騷人習題牆不惜勞

松林店題壁

問訊松林店征車此暫停日長人自倦風急酒全醒  
新柳漸成綠遠山惟見青明朝過易水相與弔英靈

自兜率寺登摘星陀尋雲水洞

出寺陟西嶺撥石覓行跡危陀矗在望鬼鬼星可摘  
鼓勇躋層巔小息幽懷適仰觀成奇峰就視作峭壁憑  
高眺不盡岡巒互閒隔青紅點滿山桃花雜亂石巖  
腰有仙洞相傳景奇闢迷途幸無虞導引賴禪客

使閩集

壬午  
武  
東集附

涿州旅舍

皇華高唱出京朝  
郡送州迎意氣□  
天恐使臣忘旅  
况連宵風雨阻征輶

獻縣旅館懸貓蝶小幅感賦

辭家七日走長途  
旅况艱辛別思無  
忽見壁閒花蝶幅  
驀然念我小狸奴

曲河店題壁

亂山圍繞送人行  
秀色清標畫不成  
底事往來題壁者  
纏綿但解寫風情

興中望靈巖



厓開見後山讓出一峰翠興夫向我言中有靈巖寺驛  
路難躋攀冬歸訂遊屐

望岱嶽用韓文公衡山廟韻

南嶽傑作傳文公古調高唱三唐中才小膽大妄學步  
用表景仰非爭雄輶車促迫敢游眺絕頂九載前曾窮  
我來未秋亦逢雨開霽幸有南薰風適逢其會詎禱祝  
原非正直焉感通衆峰盡掃頂未出山青雲白青天空  
惜昔癸酉使車返策杖鼓勇登靈宮一聲鷄鳴日飛出  
碧海萬里蒸霞紅秦碑唐碣迭捫讀信宿探覽舒幽衷

一別九載守故里艱難困苦存此躬重膺  
簡命使七閩所事靡異時不同世事變遷有今昔造化神秀無始  
終衡文重任叨再掌手無縛雞虛業功旅館息足解劬  
僊晚雲罩月重朦朧天明就道一回首天門不見迷西  
東

崔家莊題壁

咫尺徂徠近忽忽未許攀長途難耐暑小息且偷閒有  
酒須痛醉對窓多好山抗懷思不逸塵想一時刪

泰安一路隨處皆山率成八韻

泰安至沂州驛路四百里青山多於人連延隨路起平  
奇雖不齊山多即可喜眠食不離山晝夜白雲裏天低  
近有半地仄平無幾嵐光染滿自青翠不能洗跋涉道  
劇難歷覽景良美閩中山亦多勝境從此始

又

拈髭盡日費吟哦好景怡人忘坎坷自愧才疎負佳境  
題詩終不及山多

望新甫山

新甫如行雲頃刻多變相新奇無定形轉換隨所向東

南行卅里嵯峨總在望淺深不一色遠近互蔽障當年  
曾過此未登心悵悵輶車冬可旋應將夙願償。

沂州題壁

崎嶇歷盡客途平遙指清淮四日程一水西流橫大野  
萬山南走擁孤城境鄰鄒魯人知禮地紀瑯琊族著名  
迴首峰巒遮不斷目窮何處是燕京

李家莊題壁

亂山行盡入平原傍晚馳驅倦莫言野草綠連臨水樹  
夕陽紅過隔河村淮徐剛勁民風近鄒魯溫文古道存

如此清流難一浴炎歊逼體日昏昏

剡城題壁

古跡流傳正索詩  
輶車經過不嫌遲  
荒城亂草周時國  
老屋斜陽漢代祠  
屈指水程原密密  
迴迴頭山路幾馳  
我來傾蓋橋邊望  
一片停雲映碧漪

峒嵒題壁

我前至德州已有離鄉意  
今至峒嵒山又入江南地  
大地同此土何曾判畛界  
人情重離別擾擾自多事  
仰頭望明月清光本無異

重興集題壁

淮徐連日走輶車  
驛路沿隄去倍賒  
不信荒涼如此地  
當年聞道甚繁華

長河波浪遠連天  
鐵線高竿遍岸懸  
岸上遍立電線  
滿地夕陽無客過  
柳邊時見釣魚船

魚溝題壁

舊游如夢怕回頭  
轉晌光陰近九秋  
往事依稀猶記得  
滿天風雪過魚溝

清江浦夜作

一枕寐難就黯然增旅愁如何今夜夢不似昔年舟人  
靜月初上江空水自流浮生劇多事惆悵怯迴頭

書行篋中故花片寄家

豆蔻無花何處香二分明月冷秋光揚州底事人多夢  
從古胭脂出北方

常州又寄

又過毘陵驛迴頭感不禁十年同幻夢兩地共鄉心願  
汝紅顏駐悲予白髮侵芙蓉湖水好爭似別情深

過慧山

夢醒推篷窓上下同一碧  
慧山隨行舟倒影清歷歷  
浮雲罩峰顛朝陽漏雲隙  
嵐翠分陰晴淺深各異色  
危檣倚巖紅孤塔出林白  
太湖近咫尺崔嵬一山隔  
安得凌絕頂縱眺塵懷滌

姑蘇

姑蘇城外早秋天趁此新涼好  
放船一片晚霞連遠水  
亂峰殘照帶昏烟迴頭故國逾千里  
彈指前遊又十年  
幸有故人遺雙鯉迢迢聊把別情傳

蘇州



傾城一顧竟亡吳底事相攜入五湖畢竟盛衰關氣數  
西施原未禍陶朱

六宮佳麗勝花枝楊柳蘇臺艷一時到底吳娃輸越女  
大王偏愛在西施

江山船偶成

鳳山門外月如鉤南北迢迢一片秋今夜深閨輪指計  
行人應上浙江舟

錢塘

富陽風景好終日倚篷窓天盡連滄海山開出大江亂

峰排岸送迴溜逆舟撞多少離鄉感愁來借酒降

偶成

吳越舟重泛輕霜兩髻侵鶯花慵過眼山水足娛心豈  
是新情薄都緣舊愛深故園春色好憔悴綠成陰

富陽

無水嫌山枯無山嫌水俗我愛富春江上下同一綠亂  
山扼江流數里一迴曲烟嵐併水光不雨山如沐奇峰  
倒影垂明鏡照碧玉孤城帶荒臺野寺連修竹

七夕

金風玉露滿天津。一夕秋光盡。變春安得鵲橋長。萬丈人間。徧渡別離人。

浦城

仙霞關外路崎嶇。峰影溪光儼畫圖。名士原應愛山水。丈夫何事憶妻孥。夢魂常到家何遠。僮僕相親客豈孤。休說萬金書可抵。南中鴻雁古來無。

赤山歌

仙人酒醉拋金丹。散落七閩成高山。紅雲萬朶墜九天。奇峰突兀空中懸。赤亭雨濯炤不然。寒泉染出流朱殷。

陰崖戰血漬何年  
苔花碧暈痕斑斕  
幔亭高會開華筵  
山靈萬載恆酡顏

建陽

建陽古蹟舊知名  
驛路忽忽此一行  
兩水迸流爭古渡  
亂峰倒影動孤城  
地多暑溼秋猶熱  
溪長波瀾雨乍晴  
聞到考亭離咫尺  
從來好古有深情

葉坊館題壁

七間山水清且新  
秋來風景猶如春  
溪光嵐色互相映  
骨肉肥瘦皆均勻  
崖丹林碧鬬妍麗  
著色一幅真將軍

凌空倒影入明鏡風波搖蕩成錦紋石衝浪激兩抵觸  
水底日夜雷車奔灘聲大吼蛟龍怒寶光潛耀延平津  
從來險境有奇景死生那足驚詩人我來典試遵驛路  
高低跋涉良苦辛仙霞關南數百里遄行促迫忘朝昕  
葉坊古驛更修阻朝發夕至勞攀援雙溪南嶺矗天半  
籃輿欹側搖心神夕陽已下暮色起四山翠暗生秋雲  
旅館息足喜得所老饕快日甘羞珍酒酣人倦就床臥  
萬峰殘月涼神魂

水口

兩日奔波一日閒晝長旅館戶嚴關滿懷愁緒無人問  
獨立階前望北山

又

建甯至水口險灘墩百里不厭灘石險安知溪山美人  
生有天命隨地皆足死伏波與少游各了此生耳不敢  
冒可驚焉能得可喜宦海多風波達觀亦如此

竹崎所

繫纜竹崎所開窓得遠觀地平容水漫山少讓天寬屈  
指試期近回頭道路難江南好風景移向此閒看

水口

又到因關宿迴頭兩月過鄉心歸路切客感雨中多危  
徑偏銜湖連山曲束河明朝須跋涉辛苦復如何

又

旅館雨聲急燈殘夜欲闌北風穿牖入也似故鄉寒

黃田

初冬風景好驛路不妨賒秋色餘紅葉灘流讓白沙興  
來頻得句客久忘思家秀嶺憑高望陰雲遠近遮

葉坊

客行利遄征傍晚行未已清流隨山轉活活聲盈耳日  
下衆山陰昏烟覆溪水殘暉留高峰倒影明水底村農  
焚田草隔林作雲起餘霞映暮靄天山同一紫奔馳不  
知倦流覽頗自喜武夷一水通遐想空仰止

延平

路出延平郡登臨形勢奇江環三面險山束一城危地  
僻民生苦峰多客到遲未能求寶劍卽景且吟詩

高桐

驛路清幽遠俗氛行行那復覺辛勤數家草屋依紅樹



一角奇峰帶白雲，村傍高山田側闌。  
灘多亂石水斜分，箇中疑有高人在。  
匿跡烟霞各不聞。

營頭

孤燈欲熄落殘花，旅館更深靜不譁。  
記得秋初曾此宿，滿庭風雨夢還家。

霞關行

仙霞萬丈落半天，隔斷甌越橫高山。  
摩空破石開巖關，南鴻欲歸飛度難。  
層巒疊嶂左右連，淩虛一綫鳥道蟠。  
高無百仞路百盤，拾級而上勞躋攀。  
綠雲滿山排琅玕。

濃陰染變崖不丹危樓岌岌標林端憑高顧盼眼界寬  
古堞□□□□孤峰對立棖天門一夫當之回萬人  
棄而不守險空存我歸經此天欲昏萬峰殘照開幕雲  
落葉滿路嵐翠寒鼓勇健步休逡巡絕頂回首重一觀  
千巖萬壑攢七閭

重遊焦山

焦山擅名勝風雅本無雙一水亘滄海孤峰分大江景  
幽詩易得寒重酒能降故友詩僧在聯吟話碧窓

題壁

兩度走蒙陰山高積雪深癸酉至此亦遇雪冬寒行旅况歲暮  
故鄉心險阻途難越迷漫徑莫尋沿村聽人語漸有朔  
方音

### 李家莊

旅行宵未已迢遞走荒原雪白疑無路燈紅知有村苦  
寒嗟更重別恨慨難論夜半投茅店牆頭舊句存

### 孤山亭

又與湖山晤蹉跎十載經遺蹤訪南渡韻事說西泠雙  
鬢有新白羣峰如舊青蒼茫生暮色歸棹莫消停

元旦過趙北口

趙北景空曠，遄行趁歲朝。  
白迷冰上雪，紅接柳邊橋。  
望眼鄉關近，迴頭關越遙。  
村農隄外步，閒話看星輶。

鴛湖烟雨樓弔許雪門太守

烟消雨散鴛鴦死，北風捲樹凝湖水。  
高樓夜半有吟聲，鬼燈一點如血紫。  
舊事迴頭倏十年，人非地是淚潸然。  
我來臨水不敢照，恐有新霜生髻邊。

清風嶺

清風雖高峻，幽秀劇可喜。  
南中天氣溫，初冬暮秋似。  
對

面若無路高峰矗空起危途數轉折猶在嵐翠裏風聲  
湧深壑何處奔流水俯視但襟樹蒼青不見底紅葉猶  
滿林茂草密如葦稻畦遍山開地高土逾美山中驛程  
近日行卅卅里旅館望嶺頭勝境得棲止

武夷集

武夷宮

琳宮居勝地訪古值初冬門外水一曲牆頭山兩峰同  
遊得佳客有約覓仙踪明日扁舟去烟巒起幾重

偶齋詩草外次集卷六

家居集

癸未

宗室寶廷竹坡著

上已偕兩兒西郊閒步至白右橋而回

石橋南畔路寥落  
少人家古寺隔流水  
荒園隱蘂花雨  
過田尙潤雲散日初斜  
老子詩將就羣兒且漫譁

偕育又章遊西山道中聯句

落落林泉志營營衣食謀  
可憐經五載始得再同遊

竹

花柳仍無恙年華去不留  
與君浚絕頂高處豁吟眸

又

偕又章赴冷家莊

阿洪從

扶杖下高嶺東風滿袖涼鐘聲知古寺花影認荒莊山  
水如前好兒童比昔長閒身共無事乘興且徜徉數年前遊  
此同又章  
阿洪亦從

偕又章阿洪飲冷家莊花下

芳林夜靜水風涼少長追隨共舉觴隔岸燈光烟暗澹  
滿山花氣月昏黃苦吟稚子同詩癖酣飲良朋亦酒狂  
醉枕樹根看碧落世閒萬事一時忘

廣化寺東泐石上飲酒聯句

人靜讓泉喧花密疑山少竹春好不妨殘客醉渾忘老

竹徑攬坡迴旋峰聯寺環繞又狂吟壁亂題酣飲壺頻

倒洪富貴悟浮雲友朋羨啼鳥竹遊覽有懽忻談言無

煩惱又身閒感皇恩境奇歎大造洪待到櫻桃開重

來共登眺又

### 山行偶成

蒼山帶亂花花豔山逾幽名士老益壯白髮猶風流烏  
石雜黃土荒穢笑崑崙

### 滴水巖題壁

我遊武夷歸尙愛此山好天公斧鑿多到處分靈巧人



壓高峰低崖逼長天小閭越多名山幽奇若此少攜來  
幔亭茶挹煎一飲飽塵心滌蕩清新詩腹成稿

又題

青危碧峭冠諸峯萬疊雲屏秀獨鍾非是山靈好奇詭  
天生石骨異凡庸

偕芷亭韻清偉人昆仲大兒二兒之西山靈光寺  
題壁

首夏來蕭寺清和氣候更心閒忘路遠行緩覺途平淺  
草添山色長松助水聲同遊盡詩客酬唱愜幽情

題靈光寺

涼風洗初夏空山如早秋羣峯肅然立嵐翠隨雲收寒  
聲起新綠繞屋聞颼颼殘花落滿地春去餘芳留天時  
尙變易人生何所求

簾蘿洞題壁

古洞隱綠蘿枕石聊小憩却厭流泉聲聒人不成寐

偶成

寂寞朱門靜不譁閒居疎散趣彌賒幽齋終日少來客  
小院四時常有花偶得餘錢惟買酒夙無恆產懶持家

休云近世炎涼態貴賤交情自古差

送林妙峯

名化時泉州人八十四歲舉於鄉

翰墨奇緣結相逢總夙因桂遲攀更好荆老色彌新浩  
浩六千里悠悠八十人重來知有日臨別亦傷神

端陽前三日與芷亭阿洪聯句

勝遊辭禪關良觀展書屋

芷

春遺晚藥紅雨引新芭綠

竹

對茲景物好忘彼光陰促

洪

未訂五日遊先明一杯

足

芷

客少徵家貧髣髴調標老速

竹

啼鳥厭管絃摘蔬勝

梁肉

洪

久坐亂主賓清談淡榮辱

芷

酒醉倩友代詩窮

呼兒續竹

佳辰幸弗孤雅集矜不俗

洪

和子美元韻

酒星昨夜生角芒占爲今日客滿堂主人未到月已光  
興來猶恨日不長屏居閉門靜弗忙偷閒縱酒忘赤蒼  
驚駘伏櫪慚驪驪不思戰鬪知力僵天下坐視他人匡  
醕酒婦人常卧牀朋儕陸續趨北邙夏至前一日與子美諸君飲大醉是  
夜鍾碩甫死後死暫爲先死傷年來故友已死數人草青骨白沙土黃  
九泉空奠千萬觴糟臺速營老矣將醉後血熱心清涼

盧師巖題壁用又章韻

危巖滿壁詩遊客多風雅我來未免俗拈筆聊復寫晴  
雲合遠山長河分大野好景在目前欲畫無能者塵懷  
頃刻刪徘徊古亭下

偕育又章宗子美子右昆季大兒壽富宿證果寺  
醉後偶成是日六月十四大雨旋晴

山得雨若人得酒精神氣象一時新醉來把酒對山飲  
影落杯底青嶙峋滿山草木盡得意甘澍飽吸同欣欣  
神龍有心洗舊景面目濯淨無微塵螺黛萬斛逐雨灑  
染出衆岫顏色勻夕陽返射透嶺背斷崖一角翻紅雲

沈酣卧倒仰空望人山默對皆無言忽憶去歲經泰岱長  
途炎熱嗟苦辛天門陰翳掩弗見征衫汗濕泥盈身偷  
閒幸得躋仙地良時清景消埃氛故山難買且暫住天  
地勝境誰主賓老僧好客不忍逐禪宮信宿祛焦煩狂  
奴故態人莫笑山靈大度容醉人

季夏之望大雨晚晴二更偕大兒壽富登東峯望  
月

夜涼雲盡散露氣滿羣峯絕頂一登眺林巒青萬重天  
空惟有月山靜偶聞鐘賴有兒扶杖無須二客從

子美  
已醉

矣卧

廣化寺題壁

霜林不一色絕豔無可比  
勉強擬錦繡呆相亦未似迴  
頭笑春光區區但紅紫  
詩人拘舊說惟云楓柏美

寶珠洞

道路崎嶇往復迴  
登臨縱眺白雲閒  
老僧且莫誇高峻  
我自峯巔步下來

前題

危闌雲外倚嵯峨  
咫尺丹霄象緯磨  
碧靄四垂圍大野

白光一綫走長河側身天地秋光老放眼瀛寰戰血多  
無事如斯況衰病登臨偷暇且狂歌

龍泉菴

山影壓空晝成夕嵐光倒印潭底黑潛虬僵卧冷不眠  
日夜潺湲吐靈液怪峯隔樹惟見首直立不移若窺客  
陰巖霜夜豔如血半染猩紅半成碧秋氣逼人粟起肌  
勝景留連良時惜

秘魔巖題壁

季夏中旬來此觀山水待雨不至而去季秋下旬復來已涸矣

夏遊水未來秋遊水已往觀瀑良無緣勝概空懸想凡



事貴未得留作續遊賞

偕芷亭遊西山戲贈

遊山偕紅袖何如偕黃冠與其間絲竹胡弗賡詩篇謝  
公雖風雅前賢輸後賢東西縱異地青青同此山笑我  
少經濟蒼生難爲緣同心有羽客翠微時往還無能樂  
養拙有病藉偷閒所愧乏盛名韻事難弁傳

廣化寺

晨起辭禪宮徐行過荒渡水急困作梁山狹岸爲路連  
岡屢登陟曲溯重沿泝徑轉近山迷谷迴遠峯露寒泉

淺有聲。礫木紛無數。黃葉攙白雲。青林閒紅樹。秋容快  
勝遊。韶華感前度。色新相襯成。景麗隨時助。歷覽樂自  
知。攀躋勞豈顧。力疲神轉增。心閒境偶遇。安得買山錢。  
移居此中住。

偶齋菊花盛開鏡寰來同飲聯句用杜少陵飲中

八仙歌韻

花爲四壁家如船。花香醺人倦欲眠。竹早寒已破新晴

天欲飲無酒空垂涎。鏡良友贈酒甘如泉。家有友人所贈十年舊醞

與君共醉無需錢。竹興來痛飲如吸川。沈醉不辨聖與

賢鏡

我非少壯君暮年能詩不作真負天

竹

一杯飲乾

菊花前我欲作詩超後前

鏡

花酒有癖慵入禪醉後詠

花拚千篇

竹

詩未吟就不敢眠醉死那忍拋酒船

鏡

不

死有術非獨仙淵明中壽萬古傳

竹

十月早放梅花前

酒香花氣如春烟

鏡

晚節自有懼未然旣醉豈若賓初

筵

竹

寒郊

荒郊平曠足寒風曳杖行過古道東回首西山殘雪滿  
半輪落日壓巖紅

曲岸逶迤半夕陽  
堅冰皎潔滿迴塘  
垂楊似恐春歸晚  
向日長絲暗透黃

臘日偕又章遊淨業湖訪芷亭子嘉二道士用東坡臘日遊孤山訪惠勤惠思二僧韻

夕陽欲下冰滿湖  
暮烟掩映光有無  
枯柳繞岸不見影  
北風逼樹禽難呼  
朋友樂趣踰妻孥  
良晨遊賞相與娛  
道人居在淨業北  
路比寶雲尤盤紆  
麗譙樓下仙家廬  
晨鐘暮鼓聲不孤  
朱顏白髮老益壯  
陋我早衰姿柳蒲  
戀身不去真凡夫  
夫人年過卅日過  
哺助業未立死已近

癡心自寬容。緩圖閒中天地綽有餘。太虛一蝶飛遶遶。  
此生未了。惟詩逋勝遊佳製。聊追摹。

湖樓共飲仍用前韻

新月未落烟滿湖。隔岸燈火紅欲無。憑窓縱飲相歌呼。  
醉飽渾忘家有孥。困窮勉強求懽娛。愁腸酒滿行且紆。  
湖孺高聳誰氏廬。萬里僑居不畏孤。湖邊有耶蘇堂有刀如豆

劍如蒲。白戰無鐵難。丈夫負暄有心嗟。已哺日中不曄。  
何後圖。臘鼓已響歲幾餘。光陰轉眼廬已遠。酒家愛我  
容增逋。醉來作詩聊古摹。

養拙集

甲申

仲春四日雪後偕育又章

琛

及賢郎景伯塏

權

大

兒壽富之西山

我與滕六舊有約相待共遊平坡山數旬久遲竟爽約  
悠悠不知過新年仲春之初來踐約相見一笑開心顏  
呼兒速起檢簑笠折柬召客同登攀出門雲破日光漏  
遊踪遲滯良負天須臾義輪復隱匿玉龍戰退殘卒還  
遠山對面足瞻矚白描一副橫空懸蛾眉粉褪髻鬟濕  
美人睡起妝已殘蒼松厯落帶餘雪一拳山石苔痕斑

凍雲隨風散未盡天山一色雲相連前年猶記使車返  
雪迷泰岱空仰觀靈巖咫尺不能到勝境虛擲徒長歎  
富貴貧賤總爾爾及時行樂須身閒人生樂事隨地有  
任人能取天不慳少縱卽逝在頃刻當前拋卻重尋難  
僕夫問我宿何處一塔遠立蒼巖前

靈光寺題壁

冒冷赴山寺危途仗短筇尋詩呼客共扶老許兒從冰  
下水聲細雪中松色濃明朝合開霽同上最高峯。

祕魔崖題壁

雪後山氣清仲春如深秋落葉滿澗底冷泉凍仍流陰  
巖聚餘寒枯苔殘雪留靜坐人語絕悄焉忘樂憂問君  
何能然此心無可求

山亭早起

朝陽照殘雪大野生白烟村甸隱不見遠山微露顚明  
知本幻景聊當雲海觀果能悅心目空色何暇言

和芷亭湖上韻

繡漪橋最好拾級共高登新柳潤殘雪枯蘆分斷冰良  
遊宜令節佳句屬吟朋歸去莫辭晚西山寒翠凝



春分與鏡寰遊廢園

佳辰結伴且閒遊，北地春寒宛似秋。  
野草無根隨雨出，小溪不定逐山流。  
故人好酒休辭醉，老去耽詩任意謳。  
願得豐年祝田祖，早收積潦涸良疇。

雪後同芷亭子嘉師弟大兒壽富飲淨業湖上樓  
高樓登眺午晴初，有客同遊興不孤。  
萬疊春波圓到岸，一隄殘雪曲圍湖。  
苦吟自易成新句，好酒何妨長舊逋。  
痛飲莫嫌歸去晚，泥塗醉後仗兒扶。

雪後釣魚臺卽景

春晴天氣佳乘興西郊出閒心無所事寓目盡可悅釣  
臺俯高梁土岡排岌嶭靜坐對清流不知已斜日遠山  
迷晚烟隱約見殘雪曳屐遂歸來薄暮入城闕

雪消平野潤滿地如新雨春寒草生遲淺綠猶見土西  
行三五里有臺臨清渚冰融近隄濕風迴餘雪聚徑曲  
穿荒墳路斷入寒圃韶華隱未形垂楊已成縷閒遊多  
逸趣躑躅未云苦同行乏良儔稚子聊解語飢來就村  
墟一醉甘濁醕

三月廿一日偕王芷亭趙子嘉善汝明增韻清孫

伯從二兒富壽遊西山晚宿廣化寺題壁

結伴訪禪關，愁懷且暫刪。  
戈船正防海，蠟屐此遊山。  
今古誰真樂，乾坤我獨閒。  
櫻桃花滿溯，相對一開顏。

和芷亭廣化寺題壁韻

頻來遊古寺，舊句喜猶存。  
山靜聞流水，花疎見遠村。  
峯形看屢變，嶺勢互相吞。  
醉卧禪房冷，挑鐙詩共論。

山中早起

山深春氣遲，林花始半發。  
獨步怯曉寒，倚石暫休歇。  
微風吹雲開，忽見嶺頭月。

南莊

南莊信佳處山水共幽僻倚杖臨清流目快心亦適山  
寒尙有花草淺猶露石韶光忽已暮良辰當共惜

又題

高巖擅奇景結伴幾回過舊墨壁閒淡新霜嶺上多登  
山方策杖下瀨孰橫戈衰病成無用臨風且放歌

櫻桃溝花下飲

黃昏飲東坡圍坐依怪石暮靄生四山蒼茫濕崖壁深  
淵流暗泉隔林聞淅淅斜月轉陰巖梨花微見白

和子美韻示芷亭伯時

當年君始分戎曹探驪社開聯雅交

甲子子美補兵部筆政與伯時三人

立探驪吟社同社甚夥今止餘芷亭鏡寰數人

滿城詩酒盡名士廿載迴首嗟

寂寥晨星零落剩我輩莫歎霜雪添髣毛儒道仕隱縱

異轍落花一樣隨風飄長生不朽兩難望詩壇樹幟姑

解嘲古今傳人亦有命苦吟爭勝心先勞古人代哭聊

長歌其如世事堪哭多中原人物有幾許大地四面張

網羅不死不醉將奈何

詠芍藥分韻

黃樓紅勝久虛名  
應候攀來買滿城  
笑爾渾忘根是草  
鮮妍欲與牡丹爭

芍藥與鏡寰聯句用東坡松風亭梅花詩韻

豐臺雨過花滿村  
曼殊遍地分香魂  
竹焚尾春光不嫌

晚嬌紅紫白妍晨昏  
鏡竹籬菜圃足風趣  
絕勝鹿韭栽

名園竹引我忽憶溱洧水  
士女持贈東風溫  
鏡花農重

利恣攀折九衢唱賣當朝嗽  
竹愛花不惜重金買  
豔品

終台登朱門  
鏡銅瓶勺水自拘束  
任人相諱花無言  
竹

花雖無言若索句  
詩成主客方開尊  
鏡

初夏與鏡寰阿洪聯句

初夏行冬令年衰尙著棉鏡天寒宜酒助頭白惹花憐

洪事願讓人作名羞未死傳竹舉杯相賞處不醉亦陶然鏡

夏日與子美飲酒聯句

大風西北來孟夏成深秋美老近倍怯寒仍著木棉裘

竹疎雨不濕土麥苗卧東疇美民多天難憫空貽宵

肝憂竹聖皇念飢寒周恤日講求美天庾粟有限賑

濟何時休竹況復波瀾惡舟師無善謀美干戈幸暫免

荒歉焉敢愁

竹

吾儕屬無事居心若輕鷗

美

詩成吾醉

矣高枕眠床頭

竹

寄懷焦山芥航上人代東

用東坡書焦山綸長老壁韻

江流山不移無情自去住坡行印獨留兩地弗相語因緣古今同佛莫言其故緣盡山永訣何必再躡屨休官如退院瀟灑亦無苦一身尙難安天下讓人措茫茫宇宙中間是安身處六合函周遭舍此何方去儒釋雖殊途悟來各有趣大道本靡涯人心得幾許

臺灣行送張幼樵



炎風吹雪一水通南北萬里飛艨艟臺灣孤島當其中  
屹然獨立閩嶠東萬古榛狁常鴻蒙他族竊據開垣墉  
城樓赤嵌人毛紅荷蘭前創後成功林朱接踵相稱雄  
荒山百萬棲僮蟲烹頭飾金竹拘弓澎湖廿六如附庸  
鯢身鹿耳通雞籠徐福有孫習橫縱垂涎怒視眈兩瞳  
山潛哮虎海毒龍外侮縱緩先內訌閩海防備憂虛空  
聖朝眷顧特命公公雖儒臣兵在胸安攘有志勇且  
忠官階不高分則崇東南半壁付藐躬通市列國星再  
終籌邊措置多從容魏絳上策惟和戎四方饋餉歲枉

供渤海波浪深復洪之罟島嶼連從龍斗牛析木邇  
紫宮根本堅固枝幹從海疆備多此最衝我所必救寇  
必攻側身東望心忡忡願祝萬載銷狼烽

同香濤宿畿輔鄉祠夜作寄懷幼樵

夜深庭院涼瀟然忘火令月上蕉葉明風定花陰靜覽  
景澹離愁哦詩起幽興憂樂相牽引難辨心與境悄坐  
思昔賢窮達各有命持此問故人何以繕吾性

翠微山

駕言躋翠微歷覽消塵情景物亦何奇心目先一清久

早草木短山色難遍  
清朝陰潤雲嵐風日減  
暄蒸山林乏深密  
究異居市城觸目有涼色  
到耳無煩聲買山雖少資  
偷暇時一行寄言同遊子  
努力詩共賡

送孫穀庭

翼謀

之杭州

名流勝地兩相宜  
莫漫臨歧悵別離  
明月二分留舊夢

荷花廿里要新詩

自揚州移官杭州

長貧乞食慚良友  
未老休

官負盛時君到冷泉亭  
下問狂奴醉態野僧知

題陳叔伊

衍

詩冊卽以寄懷

冊多武夷及西湖詩

使槎迴舵恣稽遲  
到處登臨竟忘疲  
西子湖邊尋舊夢

大王峯下寫新詩名區惜未偕君往奇景尤堪繫我思  
泉石依然難再賞可憐空負此閒時

雨中與子美飲酒用前韻聯句

詩魔喜聯吟酒病怯獨酌竹與其甘坐愁何如且尋樂

子雨足蒿艾高水長魚鼈若竹天遙雲仍集樹密暑自

卻子居荒郎郊野心幽勝巖壑竹東折勞西鄰履傲笑

東郭子時著破鞋知音琴瑟絃識味臘可嚼竹但恐先死一

生者須寂寞子

又與子美壽富聯句

春雨生百花夏雨生百草紅綠雖不同得時色自好竹

但求景物妍何必分遲早美感彼榮枯理誰能壺不倒

富夏雨常苦多春雨常苦少天心難違時人望徒自擾

竹但願禾黍豐從茲救枯槁萬民堪自生花草何足道

美窮儒常憂貧達宦常憂老白屋人多飢高塚鬼多飽

富好詩苦才卑好酒苦量小生死本相連何自覓煩惱

竹

### 送秋

朱明久稅駕喘息三月周重金已暗伏大火行西流開

樽酣炎序去去毋遲留酷熱弗早去蠅蚋何時休但恐  
溽暑盛餘威延至秋涼風胡不來宛悶誰爲收

廢園

曳屐不知遠荒園夕照斜蟬聲聚深樹人語隔蒼葭積  
水漸分路殘荷猶有花行行屢迴首頽廢足悲嗟

野步

初冬天氣佳秋光猶未去淺水漸作冰凍葉半在樹慘  
淡固引愁蕭條亦增趣徘徊田野閒良儔喜同步迴首  
見西山蒼蒼日云暮

冬夜

酒醒更闌嬾再眠空庭獨立聳吟肩遠鐘杵月上樹  
曉角數聲星滿天多病早衰忘壯歲無田學稼負豐年  
窮愁老態相因至迴念浮生自黯然

重陽前三日與鏡寰富壽聯句

菊已開如此人須醉不辭鏡兩閒餘棄物萬感入新詩

富北闕求材急南閩報捷遲富呼口添暖酒相對髮如絲  
竹

大海正風浪閒居始菊花

竹

詩憑兒輩續酒爲故人賒

古樹霜初落晴窗日未斜鏡醅醪易成醉得句向爺誇

富

人醉花應笑晴窗困酒時富窮愁閒轉甚老態病先知

霜肅河山變風多草木危竹誰能似陶令終日在東籬

鏡

### 喜雨歌與韻清聯句

久旱得大雨如人久貧得橫金久廢得顯官竹又如九

州四海一霎清烽烟韻要知治亂有數豐歉有時貧富

貴賤亦有命強求費力皆徒然竹彼蒼作用豈無意欲



使萬物磨涅成貞堅韻但恐旱甚嘉穀死縱有沃土無

豐年竹陡然一雨遍寰宇頓使天下老農添歡顏韻三

春雨少大地渴甘霖竟夜頃刻沒竹我皇仁愛能格

天厘憂喜慰蒼生活韻殘雲焉敢望爲霖利濟四海

空有心竹在山出山總一樣韻高天下地無古今竹譬

如人生遇知己生不能酬敢希死韻生爲庸人死庸鬼

幽明虛度皆堪恥旱雲無雨只成烟何勞觸石膚寸起

竹霹靂一聲醒蟄龍頓令待斃羣黎喜芭蕉窗外聲瀟

瀟韻意外快事世有幾旱乾不久雨不快死地復生如

背水安得四海一旦爲桑田鬱久必發乃是天地之常  
理有如時雨忽降炎歊洗螟螣潛消旱魃弭鳴子吾生  
安得能見此嗚呼吾生安得能見此

竹

端陽飲酒與心竹汝明韻清壽富聯句

兵氣幸已消何須湯續命

竹

佳節且行樂人生莫究竟

韻

誰爲蓄艾謀恫矣七年病

心

酒原澆磊塊那堪憂患

弁

汝

田文與屈原榮辱同憂柄

富

圃小射易過舟敝渡

難競

竹

錢王不可作狂瀾怒誰定

韻

我欲礪蒲劒蛟鼉

戢暴橫

心

世豈少蕭曹孰能操必勝

汝

吾儕聊痛飲榴

花開正盛富

端陽後三日與韻清壽富聯句

夕陽捲雨生長虹富欲陰不陰雲濛濛韻雲垂難動天

無風竹雨絲不落懸當空富凝龍渴睡眠渚宮韻阿香

車稅四海輦竹少皞越俎侵祝融虛堂五月新秋同富

舉酒一吸澆心胸洶洶波濤南天洪韻文壇諸友皆從

戎硯池澆熄天涯烽竹空吟競病爭拙工臨文愧煞曹

景宗富一官忝守無適從窮愁束縛氣不雄韻宗多

才詩皆工騷壇起衰腴有功竹讀書十載慚未通惟餘

好句驚天公

富

射蛟無力挽强弓壯懷抑塞心忡忡

韻

報

國無才甘碌庸願天常使吾輩窮

竹

### 窮居

窮居隱僻巷翛然忘在城荒庭多禰樹入夕常風聲  
愁人喜遲眠四更猶獨醒天寒萬物潔夜靜百感生  
百年原易盡鬱鬱何所成

### 結變梅詩社代柬

消夏難消寒易欲消九九寒但須九大醉醉後寒消憂  
不消聊憑詩句舒牢騷乾坤冰雪錮生意微陽孺滯春

光遙勸君不醉勿歸去人生消寒能幾度胭脂調就付  
雛姬記取朝朝染寒素

冬至與鏡實芷亭靜山飲酒聯句

又至消寒會吟情憶去年

芷

主賓徵夙契儒道話師傳

靜

痛飲難辭老言歡總是緣

鏡

海嶠仍戰血把酒望蒼

天

偶

又聯句

去年消寒集衆賓今年消寒纔五人樽中酒少客亦減

閒居愈久家更貧

偶

承君約我會短至以燭繼晷再謀

醉與君父子同消寒半窗新月生詩思鏡燈光冷縮花

難開酸醃薄酒羅盤杯難得甘旨盡孝養承歡幸有吟

詩才富我生早被耽詩誤名士習深老難悟試看當代

衆公卿豈屑嘔心索詩句偶君今引我爲同羣應知我

與塵俗分自有蒼生無限雨在山願作清閒雲鏡泥爐

炭熾如春暖且把閒情付酒碗良時難得莫輕辜珍重

今宵更乍短富

### 和靜山

坐久酒肴寒杯空客倍歡家貧難好客老近願加餐歲

月又將盡干戈猶未安偷閒姑覓樂諧笑勿長歎

和靜山韻

談經人每撒擧比飽學真堪擬孔僖坐有春風彌藹藹  
化如時雨總祁祁才高君自耽佳句量小儂常醉薄醅  
慚愧故交冬衣葛敢思大被覆羣黎

故友鍾碩甫二子在舍從靜山讀書

冬至後四日同藝圃至高梁橋晚歸靜山見示七

律乃知是日亦同友至此惜未相遇因亦成一

律答之

結伴尋詩過水隈良遊惜我未追陪聞壅河溜翻冰下

樓吸山光出樹來海嶠音沈空悵望郊原景好且徘徊  
幾時晴暖重相約乘興登高共舉杯

冬夜偶成

宵深無人聲朔風打窗冷殘月滿荒庭枯樹微有影倚  
檻聊小立不覺酒頓醒鄰雞偶一鳴悄然發深省

仲冬廿三日雪中至高梁橋

正九喜得雪雪好不在大結伴出近郊心目同一快遠  
村半帶烟微雪不滿地人嫌雪未足我賞在雪意萬事  
無定好新得斯爲貴



臘日與鏡寰飲酒聯句

臘日仍漂泊尋君醉一杯

鏡

閒居愁獨飲故友喜時來

偶

兆歲偏無雪迎春尙有梅

鏡

小桃太無賴爭勝欲先

開

相傷臘月折桃枝  
浸瓶除夕必開偶

臘日高粱橋茶樓題壁

高樓一上悽然夕照寒雲暗遠天獨倚疎窗望西北

山光依舊似當年

茶樓卽景

郊野風寒怯遠行高樓縱眺快吟情雲中山影一痕重

樹裏河冰幾曲明且共飲茶聊當酒偶然題壁不留名  
光陰彈指春將到老病催人暗自驚

冬夜

燈下觀書睡每遲寒齋風趣有誰知冬殘氣似初春候  
月落天如欲曉時夜永無聊姑飲酒心閒隨在可吟詩  
喜他老妾堪相伴何用添香說侍兒

雪晴登高粱橋茶樓

春雪喜旋霽興來試游屐獨往不成歡賴有同懷客大  
野多寒風夕陽淡無色殘雲雜晴雪天山同一白韶光

漸萌動歲月真駒隙閒身恣傲游好景勿虛擲

雪夜

睡起開門看不知滿院雪陰雲覆寒空隱約見殘月

駕言集

自三家村入山柿葉盡落感作

霜林一夜捲西風錦繡凋殘頃刻空未盡秋光何處認  
幾痕留得樹梢紅

過嶺雜樹葉多未落又作

扶筇行過大山西萬樹丹黃入望迷始識盛衰非自主

無情草木尙難齊

山雨用廣化寺春日題壁韻

卽景索新句牆頭舊韻存  
黑雲山角寺紅樹雨中村  
恍惚峰難辨迷離澗半吞  
同遊少佳客詩律與兒論

卽景

迷離誰辨谷西東  
四望林巒遠近同  
衆壑陰雲垂到地  
大河急溜走隨風  
安居卻羨村農樂  
保障深思宿將功  
去年王將軍德榜曾  
於此築壩民頗賴之  
竹杖芒鞋踏寒雨  
此身喜在畫圖中

冷家莊月夜

三更小立寺門前  
四望峰巒夜寂然  
落葉飛沙同作雨  
月光山氣併成烟  
迷茫燈火穿林過  
隱約鐘聲隔嶺傳  
絕妙幽人歸老地  
周圍羣峭盡摩天

早晴

雨止雲未收  
紛飛巖谷滿  
朝陽初上嶺  
晴光明照眼  
微風篩雲開  
蒼崖露幾點

靈光寺題壁

古寺落葉滿空山  
秋月高西風捲地起  
隔院響松濤世

事本如夢此生何自勞醉來題破壁秉燭喚兒曹

獨立清池上徘徊興有餘山光晚烟潤柳影夕陽疎何

日真歸隱當年空讀書

幼曾讀書寺中

林永容小住豈必愛吾

廬

### 平坡紅樹歌

西山霜氣萃此處萬紫千紅紛無數秋風吹碎赤城霞  
片片染遍平坡樹晚秋頃刻迴陽春一歲春花著兩度  
元霜卻老勝天酒蒼山變色酡顏駐疎黃冷碧更相閒  
淡濃淺深聊借助白雲偶爾生林端錦繡斑斕裹絹素

秋色更比春色脆，乞取山靈善呵護。祇恐商飈掃空  
一般，亦遭封家妬。人閒繁華易銷歇，物態人生原相□  
少年樂事春易殘，老去榮華春易暮。空色色空總爾爾，  
現在須知卽過去。詩成吮筆書牆頭，滿山寒雨秋風怒。  
龍泉菴

蒼松覆空庭，疏陰淡寒日。古牆莓苔枯，橫斜蘿蔓密。紅  
葉落深池，時有遊魚出。

寶珠洞外題石

連朝躡屐上嵯峨，醉倚危亭發浩歌。萬樹丹黃圍古寺，

渾疑霜信嶺頭多

三山菴外題石

欸欸下高嶺迴旋石逕長蒼苔新宿雨紅葉助斜陽老  
近步猶健秋深風漸涼兒曹盡詩癖隨處共徜徉

靈光寺題壁留別翠微山

欲去戀紅葉欲留思菊花去留兩多情臨風空歎嗟不  
如折紅葉策蹇遄歸家持插菊籬閒丹黃互交加山靈  
休錯笑脂粉忘烟霞